



正宗大王御製

正宗大王
文
祭文
致祭文

共二十三

16
2312
9



門和
號 2312
卷 40-9

祭文

厚寧君墓

姜碩期墓

統管忠烈祠

義州顯忠祠

宋時烈祠

和柔翁墓

先農壇

秀泉君墓

梅谷書院

趙憲

申崇謙鐵像遺祠

金煜

愍懷墓

洪奉朝賀致祭

昌原君墓

明阜書院

趙光祖

曹植

章陵親祭

姜碩期墓

景慕宮朔享

昌嬪墓

金幹墓

宜安大君墓

祭華城城神

牛渚書院

河演墓

朴明源

愍懷墓

桓祖大懿惠唐齋享

俞拓基

徐命善

尹爰新墓

金在魯墓

洪柱元

禎嬪墓

永興本宮齋享

南有容

誕報廟修改苗

閔子芳墓

金致仁墓

洪象漢

延齡君墓

金漢耆致祭

洪鳳漢

尹善東成服日

永新君墓

韓汝謙墓

華城聖廟苗

李臯墓

朴文秀

李宗城

洪柱元貞明公主

咸原君墓

張維墓

闕里祠奠酌

忠賢書院

洪柱元貞明公墓

俞彥鎬

俞彥鎬

李天輔墓

朴淵墓

讓寧大君墓

李之蘭

徐命善

洪樂信成服日

尹塾成服日

淑媛趙氏墓

柳頤墓

張晚	韓確墓	金樹宣謚	金淨	金鍾秀
鄭忠信	明淑公主墓	高麗金濟宣謚	朴聖源致祭	河崙墓
洪樂仁	昌陵親祭	任光載墓	宣武祠祝	梁大樸
四忠祠	鄭崑壽	齊安大君墓	金鍾秀朝日	宜安大君墓
六臣祠	洪樂仁遷窆	仁城大君墓	洪樂仁遷葬	閔霽齊夫人墓
駱馬江書院	敬陵親祭	洪常墓	蔡濟恭祭日	義安大君
李福源墓	洪守榮葬日	月山大君墓	葬日	昌嬪墓
龍柏祠	徐有莎成服日	韓伯倫墓	洪樂性成服日	閔維重
慎嬪墓	三角山祈雨	韓明澮墓	徐志修孫登科後	宗廟修改
金漆墓	金頤柱	南陽府夫人洪氏墓	金烏書院	朴祥
景墓宮古田				
徐命善改謚				
金憲				
鄭民始				
金履素昇唱第				
吳載純子唱第				
閔維重祠宇				

列聖御製目錄



卷之五十二

正宗大王文

卷之五十三

正宗大王文

正宗

列聖御製目錄



列聖御製卷之五十二

正宗大王

文

先農壇攝行祭文

乙卯

於皇炎后首出太始羲畫軒戈帝制耒耜德配方
社功邁先畷萬邦宗祀矧我東國憧憧慤慤一念
民天時回舉趾禮先祈年夙予齊明敢曰馨香其
始自今千倉萬箱

右神農氏

有周八百基自稼穡萬世永賴思文后稷誕降嘉

列聖御集卷之五十二
種粒我烝民對時平秩以殷仲春寅舉祈社申告
啓藉靈如地水穰穰介福詒我來牟遂及禾種監
茲明禋嘉惠屢豐

右后稷氏

洪奉朝賀

鳳漢

致祭文

歲蕤魚雅金泥王牒祗獻 慈宮恰此寶甲維乙
之慶自昔申嘏虹流寅春月彌奎夏于國于家降
聖不遲顯顯我公際膺昌期一堂三闡厥聲瓊琚
探驪司馬拾草芥如道茲迓吉滾滾諸福地既肺
腑官又槐棘都人士女尚說觀津小子承歡一念

順 親斗旋端蒙八千春秋仰體 慈心緬想悠
悠瞻言舊榜上相巋然皓髮青衫濯龍門前年若
位若公胡不偕為趁晬辰聊以瀉懷 宮萱不老
靈麻如響同我太平勗哉外黨

景慕宮朔享親祭文

猗我 闕宮歲迴旃蒙八字掄揚曷云報隆追遠
微忱隨時隨處溯甲稽紀一百寒暑撫辰禋薦陽
生之初日中星鳥又春祠於未遑躬將擬待三享
辦香綴文如覲鬋髣

錦城尉朴明源和平翁主致祭文

何日可忘我姑我公女史淑範王室偉忠 兩朝
一節隻手寸赤子心 親心報不稱德豐碑猶慊
節惠難名是年拜 園彌顯公誠齊也豐下願言
培植沁園孫枝蓮榜新馥遐不與榮家國同慶倅
官告喜我思孔永

永安都尉洪

柱元

貞明公主致祭文

領議政洪樂性

司馬回榜之年即靖惠公文科翼靖公司馬
舊甲而領相之孫奭周外孫金履祐又登大
小科小科放榜日遣月沙文忠
公七代孫承旨李晚秀致祭

雲仍蕃衍壽考尊榮屈拇輿誦永安貞明自國而
家自家而國世世同休時萬時億星周乙卯 慈

齡望七偕我元良歡供繞膝公之胄孫際茲回榜
王貌上舍華髮丞相有抱垂龍大開雲程錦上添
花外裔小成仰賀于國俯慶于家積善之餘執契
不差克體 親心志喜以報有文有酒仙樂前導

靖惠公洪象漢致祭文

樂哉今歲 慈宮花甲萬年頌作八域恩洽卿門
喜事於斯為盛肖子無恙曾孫有慶鶴髮秉軸鳳
毛傳家舊榜新榜小科大科文懿福力上下共之
卿在其間喜亦可知

華城聖廟告由文

天縱將聖民無能名賢於堯舜萬世太平小子有
造鎬京辟雍矧茲新邑曷不敬恭工祝孔夙牛一
豕羊吉日載見龍旂九章

右正位大成至聖文宣王

升堂入室夫子在坐仰彌鑽彌博我約我四勿之
禮三月之仁從與享之氤氲巷春

右復聖公

一貫曰唯子曰君子弘以為扁子嘗從事治已治
人八條三綱道在師存遙辨心香

右宗聖公

聖人冢嫡嫡傳聖學大本達道未發已發受言無
數明善誠身盛矣為德格此精裡

右述聖公

必稱堯舜兼言仁義其氣剛大塞于天地麤拳大
踢泰山喬嶽願學夫子予今四十

右亞聖公

閭閻閔子顏曾是班言必有中孝哉無間百世尚
論高風汶上薦以清醕宿予景仰

右費公閔損

可使南面聖許冉也可也簡耳堅壁清野使民如

祭出門如賓惟其不佞是以為仁

右薛公冉雍

一出存魯公實善辯豈惟善辯其器瑚璉墻高數
仞已見美富告往知來千歲在後

右黎公端木賜

乘桴之志衽革之強何有從政許以升堂不佞不
求曾氏畏友如接襟期酌以大斗

右衛公仲由

為君子儒賢賢易色孰傳孰倦善哉誘掖序詩知
禮與游同科竝侑十哲酒旨且和

右魏公卜商

自孟氏後千五百年得我濂翁絕學始傳無極貧
易主靜述庸酌彼行潦永挹光風

右道國公周子

公年十八已識顏學乃叙麟經乃詁犧易道尊於
巖工篤於敬其用不陂通貫動靜

右洛國公程子

砭愚訂頑暨夫定性千載妙契直接鄒聖興國一
會聞風者起洋洋偕格周程諸子

右郟伯張子

德充于性行修於身在陳及門顏亞閔隣視彼聖
訓百載懿名徧于配食祀事孔明

右鄆公冉耕

宗廟百官人孰能窺卓乎善觀汙不阿私辭令之
修伯仲端木位居殿右注茲洄酌

右齊公宰予

允矣子有千室百乘進則退之德修道凝亦各言
志可使足民郎野師旅豈展彌綸

右徐公冉求

武城絃歌夫子莞爾政事文學何適不備知人為

哲能得澹臺肅子斂衽有秩尊壘

右吳公言偃

崇德依仁參前倚衡聞斯書紳曰篤其誠過猶不
及聖所責備堂堂張也屏惡尊美

右潁川侯顓孫師

資隣上智德維天成庶幾無跡藹然春生生之謂
性丕闡洙泗予之願學惟伯程氏

右芮國公程子

豪傑之才聖賢之學元會運世水火土石三十六
宮春意無邊卜我哲命於千萬年

右新安伯邵子

猗歟夫子予所宗師金王條理日星光輝手編全
書讀之亶亶先庚後庚光佑篤棊

右徽國公朱子

維羅宅嶺挺出弘儒方言解經吏禮開途倡起斯
文吾道乃東將拜先聖酌醴于豐

右弘儒侯薛聰

以下
東廡

展也文成素王忠臣珠衡玉斗照我東人燕肆購
書非經則史惜不選爾葳此明解

右文成公安裕

天德王道出自小學語次南八慷慨三復黨籍光
華得之家範孰與公卓歆此尊醊

右文敬公金宏弼

公處筵幄志挽姚姒攀牖同歸秋月寒水理無不
還王道平平侑院餘思絜此豆籩

右文正公趙光祖

選百朱書節要是準準我大儒以詔後進曾篤程
和孟廓朱涵悅接羽儀丹籤在函

右文純公李滉

思肅之孫文貞之子文成之友淵源有自何處得

來我思瀾瀾慶與年至是以詠綏

右文簡公成渾

公惟大老光躋聖廡國是民彝撐宙巨宇俎豆之
殿幾遍我境是年是行迺先告慶

右文正公宋時烈

昔我 寧王建極敷治杯酒戈鋌周道夷夷卿之
躋配以時則然侔來與共一豆一籩

右文純公朴世采

鳳巖秀精北學中原筆畊桂苑廣拓墻藩東文之
昌公實為宗時觀于華先侑盞鍾

右文昌公崔致遠

以下西廡

身倡正學手持大綱赫日明星萬古東方聖人復
起知無間然玄酒在堂穀朝斯消

右文忠公鄭夢周

皇華東馳厥名嘉錫佔俾門下賢弟是述頭流千
疊道遙杖屨文獻在茲朝暮與遇

右文獻公鄭汝昌

中朝鳳瑞 孝陵魚水八條補遺九經衍義尚有
心畫弁我十行五賢中一孰敢雌黃

右文元公李彥迪

天挺英豪道德經綸武夷石潭千古二人我儀圖之日星昏衢盛典將講先奠清酤

右文成公李珣

公邃于禮節文昭朗俗因禮厚用正趨向今予是行蓋緣人情如公聞者尚亦與榮

右文元公金長生

美如文正旁達孚尹坐遠標榜襟寬畦畛進而若退巖廊山野同時同德兩宋右左

右文正公宋浚吉

闕里祠遣正卿奠酌文

夫子之祠遍於天下義起華城豈無以也雲仍東來于茲爰宅在地如水捨而奚適自奉 園寢桑梓猶敬矧乎宮墻密邇宣聖市槐壇杏巷琴沂瑟我衣之振我佩之潔 慈駕來臨新豐官道禮成薦藻恩暨養老藝林矍圃文事武備徠汝赤子亦授之食孝經顯親魯論愛民咫尺明訓若聆諄諄是時是境曷不展忱載蠲銅豆有文在函

讓寧大君提墓致祭文

至德祠額駐輦曾瞻光于我家永懷謙謙錄後承祀非乏官釀今者一澆聊寓景仰

厚寧君衿墓致祭文

獻陵多男卿其居一小心恭慎於謚可質敦宗將
禮我朝家法既侑讓寧次第恩及

秀泉君貞恩青祀君彪咸川君億載墓致祭

文

秀泉高節其友秋江咸川好學聲律心通上下其
間青祀無愧完平祖禰亦宜一禪

昌原君晟德津君濊墓致祭文

始興縣東有林苑然昌原德津同在一阡父分天
潢子畫雲臺 光陵之思酌彼洞壘

昌嬪墓致祭文

周歌克昌魯頌熾昌維其有之茀祿靈長玉派銀
潢發源醴泉 聖神繩繩彌億萬千 儲慶 毓
祥 延祐 宣禧無遠無邇一體我思是行觀華
恭陪 慈宮粵瞻露漑瑞氣鬱葱吉利康寧莫非
受佑曰篤報本替薦籩豆

愍懷墓致祭文

於休懿範不緇不磷殷適之配京室之嬪世有平
陂禮闕汛掃 聖祖義起羊馬蘋藻神理孔安靈
佑無斁以壽以福維萬維億路出始興寒食東風

綴文一侑我管其形

禩嬪墓致祭文

明陵在宥化洽樛木嬪惟備御夙著洞屬賢哉延齡有儼同岡伴官致酌上下石床

延齡君

明

墓致祭文

肅祖季子 寧考介弟望于宗英樂善好禮節惠曰孝是乃紀實一拜遺廟况接令質輦過松楸奠以清卣仰體 兩朝止慈至友

八達山主人處士李臬墓致祭文

山名八達 聖人攸錫中有逸民獨寐寤宿薇長

首陽土肥盤谷莊釣不顧魏居省識即地建治控揖襟帶樓櫓間井一大都會主翁於此恍若神胥曠感者深為停鑿輿

忠賢書院致祭文

蘇山英氣文曲精神秬鬯禮秩綿蕝儀新秉義却虜人不祗左當時安危隻身負荷海東名勝卿實居首不朽者三天壤齊壽生長之里古廟丹青百代曠感一酌香醪

右高麗太師姜邯贊

柏社屋殷墨胎逃周百世清風邈然寡儔寒泉一

脈西赴善竹舊以能忘義亦罔僕沒而祭鄉鄰近
斧堂環山以封 聖主表章樵牧自遠丘木不童
特舉奠儀予以勸忠

右高麗掌令徐甄

屹波砥柱支厦虹梁出處進退興替消長再安
九廟歷事 兩朝國賴明彞民奠輕徭優老獎廉
以凡以屋 仁祖之庭從與烝禴惜不起來責我
鼎席想像典型泰山喬嶽

右本朝文忠公李元翼

青海伯李之蘭致祭文

桓桓青海開國元勳射穿七札勇奪三軍塵埃識
真攀附鱗翼起自關北奄定大策紀之彞鼎繪于
麟閣守信釋權子儀多福屹然遺廟在彼之阿靈
衛 園寢氣壯山河向歲修葺曰嘉乃功輦路塵
清颯爽英風

文貞公姜碩期貞敬夫人申氏墓致祭文

儒林宿望 聖朝良弼篤生哲媛戚聯王室否泰
屈伸一理感通復爵賜謚貞敬與同伐木去翳及
諸姜氏 愍懷墓傍一體祭祀

梅谷書院致祭文

維宋先正予所尊仰何地無祠何歲無饗念茲梅
谷如星拱辰松楸有芻茅屋長鄰讀公封事必陳
堯舜親心為心是孝是順甲回虹流節屆春中祇
謁于園予陪慈宮緣情制禮質聖無疑若公
在者犁然於斯黌堂入望我思悠悠是日特侑洗
爵脰脩

明臯書院致祭文

一院三世聞稀見砌台扉宿德藝苑宗匠家庭授
受邃學宏詞為鳳為麟接武羽儀呂氏公著范家
純仁遺風餘韻炳烺嶙峋有孫配食雅望踈襟何

以寄意文一酌三

贊善金榦墓致祭文

明陵之世儒者輩出卿遊其間真諦妙訣刊去浮
華踏來朴實沙川魚鳥永矢邁軸入境真箴以代
王帛

桓祖淵武聖桓大王

懿惠王后躋享于永

興本宮祝文

是地潛龍是歲流虹是地是歲是慶是禮慶肇軒
紀禮昉譽祀皇矣神聖基我景命六郡桑麻萬
世陔瓜啓統造邦周有文王小子愛日昔乙今乙

歲千遇一慶五為六禮因於地 先王之志福酒
上樽繩繩孝孫

永興 本宮躋享日 國初室祝文

建邦壬申禮先追王大勲始集孝思彌彰 定陵
誕降之歲乙卯吉日維夏躋于 原廟恭惟 神
理悅侍 黼座陟降臨止怡愉右左小子初生若
建邦初矧茲寶甲祥膺慶儲義遵禘享志事是則
於千萬年介以景福

鼇興府院君金漢耆致祭文

猗我 慈聖寶籌望六六慶同湊喜溢長樂顯冊

揚厲鏤金編玉女中姚姒再奠 宗祏大舅維公
公有秉執秉執維何匪誣而直一部明義迺分淑
慝疇之延世名滌海籍題面如新往事都宿秩秩
休寧歲時伏臘瞻言顧茲觀津古宅酒與懷瀉庶
傾此酌

忠憲公朴文秀致祭文

傑然男子為時而出黃河泰山麟閣第一在卿何
有疏節餘事款款者忠質天弗貳推挽提挈人卧
梧川有聲之畫權輿乙年起視東方星輝月輪發
興成章江海為樽歲迴旃蒙祿百慶六至誠前知

燭照龜卜藝苑鶯花非乏寫境最愛卿詩流出情
性韻步心臺題揭春塘羣工踵美萬年頌長是時
虎榜卿子唱名莫曰外出尚求典型耿耿丹心歷
歷河魁滿斟勸卿太平之杯

永安都尉洪

柱元

貞明公主墓致祭文

回榜首揆拜掃之行內外兩孫蓮桂新榮賢尉貴
主積善留福根培枝達譬彼嘉木何以寵之澆奠
有命寔表邦家乙年同慶

忠憲公徐命善致祭文

乙未於今二十一臘值茲依辰想彼叫闔會名同

德醇以代之何間存沒有酒盈卮重掃陰翳太清
廓然使卿在者勇必直前世路平陂其轉如轍卿
忠不貳我心惟一連巷故家喬木勿翦卿子承蔭
無忝是勉寧遲從革將畀字牧為讀卿疏一瀉衷
臆

統營忠烈祠致祭文

萬曆癸酉紀元後二百二十二年十一月丁丑忠
武全書印頌以一本藏于統營忠烈祠時維十二
月壬寅命統制使李得濟陳顯皇帝欽賜都督
九疊篆銅關防及令牌鬼刀斬刀督戰旗紅令藍

令旗曲喇叭次陳旌燾銃筒笳鼓之屬於祠之內
外各隨地宜斗酒燕牲入奠於版前鎧甲以侑於
有明水軍都督朝鮮國贈効忠仗義迪毅協力宣
武功臣大匡輔國崇祿大夫議政府領議政兼領
經筵弘文館藝文館春秋館觀象監事德豐府院
君行正憲大夫全羅左道水軍節度使兼三道統
制使忠武公李舜臣若曰欲聞卿者視此全書奕
奕焜焜十四篇餘戰爭之績合變之勢伏龜之舫
聽鴈之澁曰陳曰鄧湖嶺連營誓海盟山草木知
名書豈輕重賴書乃顯捐帑付刷葦修曠典于以

歲之忠烈之祠爰命統帥虔奠洞卮

文烈公趙憲致祭文

道學節義富有一身求之今古卿孰與倫源頭真
派石潭昭曠闢異扶正黜霸尊王退牘造言不忘
一飯蘭珮蒼皇五嶺曼曼封豕躑躅幕燕恬嬉舉
世昏夢舍爾靈龜天門夜鳴莫卿先聞投袂而起
從者如雲糾我藹藹倡爾凜凜一戰于清再鏖于
錦孤城風雨鼓響不已猿鶴蟲沙七百同死男兒
張巡嗚呼田橫至大至剛養得生平豈如勇士一
時慷慨謚曰文烈道與義配我維曠感志在鉅鹿

望諸有孫將予授職何以示意致酹于廟崇儒獎
忠庶補風教

先正文正公趙光祖致祭文

丙辰

遲遲吾行信宿華城于華之北有屋數楹云誰之
屋文正之祠我思文正惜不同時天人性命堯舜
君民夙抱經綸際遭昌辰初登講幄俊乂咸籲遂
長霜臺士女異路運有平陂道或消息公於何尤
聖廡暇食君子是式小人是懷顧予愾欷曷覓公
來如公在者一變至道蔽茲醪羞永言冥祐

宜安大君

芳碩

墓致祭文

今距宜安幾百冬夏激感人心 魯陵之亞翮續
處彼楸柏不實東風靈雨麥飯蕭瑟 貞寢之復
未遑五原贈以爵謚 肅祖恩言漢祠信陵宋治
錢墳矧茲銀潢降而大君乃命汛掃置戶守阡無
俾樵牧有加豆籩非敢舉也聊以識耳佑我 宗
祏萬歲千禩

文翼公俞拓基致祭文

在昔之乙國有大慶官設輔養孰膺 明命卿來
自西屬目廷紳進而賓僚實維丙辰登耆為師其
舊如新中間日月升有三春學而後臣時值 代

聽慮國忘家兩鬢星星歲迴古甲恩遍諸家舉酒
醉卿我辭無華完名終始匪卿則那傳笏魏暮受
玄侯色弱冠射策舉世風動三載詠鵬千仞儀鳳
行藏出處屈伸消長維揚投袂白旆央央宮闈解
警野服遂初西藩北臬視以土苴有除輒辭進寸
退尺官居鼎鼐素履彌篤莫嚴者義半黑半白披
腹輪困歸身寂寞羨江一曲永矢盤桓洛龍再起
蜀鶴竟還懸車以後益仰老成尚記者宴皓髮蒼
珩衛道獎直討賊褒忠以奏以章非乏事功惟予
欽服別有在耳矧彼澤利河潤山峙聖世賢相足

賁青史為語端揆婦翁是似

文清公南有容致祭文

大朝講官 曹廷賓客元孫師傳兩館大學煌煌
印章卿獨有之冰壺淵源華嶽墳簞世值右文冠
冕黼黻八家矯矯拇必先屈玄經月評赤幟輿望
載道循理江漢亦讓充養有素所秉者義大訓抗
疏昭鑑見志進退榮辱精粹朋徒菊露寫史 帝
在南都執耳盟壇士趨知方進學昌黎知貢歐陽
東山南麓嗒然據梧麤書詩軸細畫酒壺松孤園
涉梅淨簷巡別處桃李斷送蹄輪予髮及髻將置

列聖御集卷之五十二
輔養擇於廷臣無出卿上 宗社大計舉以一委
榮極臯比官尊曳履迭為師賓十載進進潛淵御
天需用不盡欲報之功帶礪猶輕貯之內閣有子
蜚英是年何年舊甲迴轉伊時桂坊卿膺峻選
三朝橫經於此焉始跡竒事曠允合標美教予者
卿知卿者予歷叙平生二百言餘

洪翼靖公 鳳漢 致祭文

歲既在丙月亦依辰歲月遭改六十一春小子何
懷難為 慈心緬惟我公愴昔感今休戚夷險我
公是儀經濟詞章公亦有之自諸生時蔚有休光

接武蓬榜公在黌堂甲子月正 京室凝祥地密
銅龍公時桂坊偕我多士射策金門煌煌 恩批
公占解元有秩 胄筵 德盛三朝橫經問難公
膺宮僚潭潭戎垣壁壘如天三軍司命公居中權
有財有賦有國之重且經且理公副輿誦赫赫綸
扉輔相天地展厥攸蘊公首百揆於乎不顯殊勞
茂績親如股肱捍若頭目維予是顧遑恤其他他
無斷斷囂然則那載值舊甲有此告侑靈其格我
如覲左右

文忠公李宗城致祭文

歲在柔兆維暮春望有恤 閔宮恭薦鬱鬯明概
月星鏗鏘鐘簋憧憧餘慕靡事不舉緬憶舊甲慶
禮之翌造我大僚豐芑詒翼惟閔文忠暨子咸格
卿隨先卿亦登前席有酒如澗不醉無歸家人禮
數國乘生輝爭也君子相將跌宕萬年基業三代
氣象實維是肇六紀如昨矧卿秉執素所欽服維
癸維戊隻手捧陽穹壤廓爾俾也可忘瞻彼梧川
虛舟自橫耿然丹衷宛瞻箕精依依古曆厭厭新
釀恍若侍飲 陟降在上

領敦寧府事俞彥鎬致祭文

契襟于离取象則泰君子連茹卿先嘉會百世曠
遇一部明義寂若斂却不言義利纏纏經說樂有
賢兄初筵犁然熊魚重輕甲午高著芥視蹄轍薰
焰軟塵誰之緇涅肇武藝苑遂編奎壁鵠立青瑣
人所矜式微醺太和有聲新畫騷壇赤幟我則邁
邁何以處之巍巍巖廊卿曰繡絲后有黼裳炳燦
之忠以禮而進南臨大瀛增益動忍角巾東歸君
實在洛延登几舄頰髮勝昔挽回一治再闢鼎茵
俗之頽弊委卿惟新予既託替卿乃匪躬筆鋒如
鉞掃彼蠅蝮倚以為恃中流砥柱丐間敦社奈茲

二豎商川方濟胡輟秦眷我淚盈眶匪私伊公東
園之贈謚在太常卅載故人曷足云償靖共之操
亮直之姿已矣九原何日忘之

知敦寧洪樂信成服日致祭文

嗟哉仲舅胡遽返真中心深契非直懿親戚晚良
材出自鄧林蜚英及早榮動班心局地未展如繫
驥步薄試行人鞿象狼顧雷肆王署百不據一自
來而逼旋擢喉舌身處紛華戒存深薄不遣名姓
掛人口角才堪度支受知昔日繩尺秩然周通鎮
密世事難測造物多猜中間閱歷齒落頭皚倂使

記存恩禮外氏臣稱死罪迫而後起以時入覲
慈笑為新侈以金貂燕樂嘉賓睠彼樊郊酒壺琴
張鳧鴈去來麋鹿徜徉百年其期一朝之違入告
萱宮有涕先揮叔舅季舅將何慰譬壽豈曰邵六
旬除二翼靖奏議已始彙編欲示成書曷不少延
達窮二字曾序安窩亦於卿云命耶非耶以贈以
酌予懷深切恤家錄孤罔間存沒

義州顯忠祠致祭文

忠烈公贈左贊成黃一

安克誠贈兵曹參議張厚健車忠亮車元輓
車孟胤等進享贈兵曹判書崔孝一賜謚忠
壯仍致祭于忠愍公
贈左贊成林慶業

馬山峩峩鴨水東流廟食茲土有光千秋維黃忠
烈暨六義士治主以升一體同祀福我民社鞏我
關防曷云酬之有洞其觴

平山府太白山城高麗壯節公申崇謙忠節
公庾黔弼武恭公卜智謙武烈公裴玄慶鐵
像遺祠宣額時致祭文

緬惟麗肇厥有三傑翼翼元勳孰與壯節公山之
野桐藪漂血京索滎陽紀焚之烈曰庾都統虎奮
于鷲經之湖南種種者髮湯井有夢逋寇是剗猗
卜武公盟維第一爰炳其幾蠢茲宣吉三重大匡

亦峻乃秩若裴太師帷宸密勿頌頌秦城中夜以
挾一騎之帥居然旄鉞肅清遺像有範其鐵邑人
士女歲時香飴鉅鹿之思頗牧同列賁以華扁侑
以肥膾簫鼓在庭星輪交掣福我民社禾稼如粟
其永報祀維億日月

文貞公曹植致祭文

龍藏九淵鳳翔千尋希世之物不高則深矧伊人
豪出豈數數箕岑迢遞商顏寂寞緬仰遐標水流
雲白何幸南冥乃生東國灑灑落落巖巖屹屹日
星輝晶霜雪皎潔子閱遺乘跡卿平日通神孝友

蓋世名節絕異之質獨得之見蕭寺一揖左柳割
戀焚膏繼晷四子六經銘劒奮志佩鈴喚惺攝齊
如侍夫子遺像直方不渝表裏交養是氣配義內
省自慊以風嶠右頑廉懦立小哉諸葛願則伊尹
志豈果忘有涕夜隕晚來一出為伸大防歸歟塞
兗山天之庄智異頭流振衣濯纓取友湖嶺芝蘭
韶龔予臨九五慕古為治孰障狂瀾孰踏實地孰
鑿病痿孰警慵睡如起卿來運掌之易微宿不昧
龍舍巋然清風凜如無愧予言

祭華城城神文

城彼華陽是為華城地效天藏之經之營萬世之
基衆心以成崇墉屹屹列雉庚庚拱我 仙寢捍
我王京維隍有依有濯厥靈治主斯饗蔚有光榮
時千時億是翰是屏沛山豐水海晏河清壽我福
我詒我泰平

忠憲公徐命善致祭文

卿子南之五馬新榮若卿在者養以專城不養而
享有愴予心祠版將行為之一斟義理如鏡不磨
則晦龍蛇未化百竒千恠其讀無地東閣麟經所
懷伊人已矣泉扃在天日星在國綱紀一或干犯

太阿如水來汝三宰說此衷臆知也否耶卿靈奕奕

誕報廟修改告由文 丁巳

兼告令節遙辦心香我祀孔明我朱孔陽報以介福祁祁穰穰

右議政尹著東成服日致祭文

試卿也早用卿則晚恩非腆薄時有利蹇妙年射策公孤之望彌綸經濟兼有器量故家言議丈人繩尺屢躋屢起王成憂戚釋褐四紀在朝未半待卿用拯國事泮渙既畀奎閣旋置鼎席靖共一心

擔夯百責懇懇對奏纒纒剖判臣勞君逸得卿乃信調羹方始輟眷胡遽攬衣臨朝予欲無語齋宵傾困忍也敢忘知卿顛末略紓十行

永安都尉洪 柱元 貞明公主致祭文

於樂沁園吉祥之府授几與杖我有元輔誰伊詒之賢尉貴主顯顯貴主天篤其祐昔已維辰既望越翌燕以大耄 肅考攸錫被諸絲管勒可金石積祉流慶耆孫允迪齒尊八旬躔應上台喬木長榮歲律三迴克推前庥用飾新釐 聖祖之思想歆茲卮

忠文公俞彥鎬致祭文

何處得來侃侃忠文自昔潛龍卿際風雲有煌奎
躔有翼台階何以贈之王珮瓊瑰進退汗隆手藉
明義髮白心丹標茲有位曷不慈遺歲星載周慨
焉明發宿昔難酬紫薇高燭意傾深盃侃侃忠文
何處得來

忠肅公尹塾成服日致祭文

危身奉上是之謂忠嗚呼樹立大冬挺松可蹈白
刃何論黑耽賜環歸來日月監臨予欲用卿不循
常度起自郎潛盛于王署知申委蛇都憲我豸籌

謨保釐歷有踐履司寇司馬崇政崇祿率是中批
眷委也篤有事華 寢畀以敦匠卿時制淚恐予
增愴黃岡赤壁天借蘇仙輕裘緩帶一斗百篇卿
來自西病在阿堵為便將理晉判樞府另侈恩遇
史官徃宣儻冀痊可步武台躔倏焉長逝其然豈
然隱卒之諭未忍傾困贈以議政誰昔注意庀葬
頒廩錄孤考謚謚不踰日禮同大官剛毅典型恍
若隔晨雲鄉壘邈箕駮飄拂有酒酌卿文且特綴
先正文正公宋時烈祠版過京日致祭文
子朱子後又有朱子 三朝賓師百代矩軌書對

絳帷席擬函丈孰不知予斗瞻山仰來傳曹逵有
美肖孫禮行一日基輦萬年際茲西郡享公以官
左右肝蠻白鹿紹賢祠像過洛衿紳濟蹌恍若蒲
輪起自東岡巖巖氣宇奕奕精神我酒斯馨言采
其芹

文貞公金煜墓致祭文

龍旂載南循江之曲于數十里曰維陽邑文貞之
兆蓋在江北獸石牲簷恍若相接凝鑿之想居然
宿昔如見卿心對此皎燭

章陵親祭文

於穆 南殿歲覲 晬容由積之厚驗施于豐
聖祖中興丕號斯隆天作金陵有苑梓松龍蟠體
勢象設崇封曩既戒期今來展衷 陟降洋洋保
佑無窮

牛渚書院致祭文

文烈公趙憲道德節義炳
若日月每閱其遺集不覺
起敬昨歲金文正之躋循文廡也豈或取捨
軒輕於其間而然也第以未能并舉尚今介
介于中間其俎豆之所距
茲蒼莽云遺承旨致祭

至誠之道可以前知往在龍蛇卿龜卿著人謂我
癡我笑人瞽錦州之城神鬼為怒七百同殉義色
爭秋疇不我與咸曰前脩然卿造詣豈一節蔽正

列聖御集卷之五十二
脈資承浩氣正大牛渚有廟駐駕遙式評官以侑
尚庶來格

貞憲公尹又新文烈公尹暹忠康公尹衡甲
忠簡公尹榮墓致祭文

彼窈窕原蔚有休光曰有忠蓋衣履是歲貞憲侃
侃玉珮璆鏘執鞫于邁逝矣西疆果哉賢胤秉德
剛方節譬松筠功載旂常有承克肖展也忠康施
及厥孫有奕南陽式美四世於樂一岡不沫者靈
矢此侑章

驪川尉閔子芳墓致祭文

於赫 宣陵則哲之知儀于賓館寔超茅夷吹鳳
世遠卧麟山近駕過咫尺替奠香醞

永新君怡墓致祭文

耿予一念在茲敦親籍雖疏遠派分潢濬振振令
譽曰篤不忘靈其毋遐來歆此觴

咸原君顥墓致祭文

比周仲雍懿我孝寧克昌厥後苑其宗英襲以封
爵有想典型秋草一酌其酒斯馨

文簡公李天輔墓致祭文

若堂芥者文簡之歲斂却孤衷托茲崇岡身輕安

危大節彌光東湖一出老圃寒香吞不復宣子豈
忍詳餘慶未艾其後也昌窈窕彼麓松檜蒼蒼王
李家世亦俾可忘擬節其惠以命太常拜 園之
路侑以洞觴

淑媛趙氏墓致祭文

寧考正家化洽二南靈維順序洞屬其心衣不曳
地譽播宮闈嘒彼小星尚有餘輝和柔近岡神理
孔安輦過是日迺斟一尊

和柔翁主墓致祭文

曰我姑母柔嘉維則蚤夜輦衿不遺寸尺維丙以
後增予依仰沁園鐘鼓都尉無恙墓門延眺厥木
拱把何以瀉懷為停予馬

愍懷墓親祭文

名門鍾德倪我京室珩璜漸遠滄桑忍說瀾瀾泉
源實邇其兆侯松侯柏曾不盈眺我維圖之以封
以植來拜玄扃崇醴于酌

文貞公姜碩期墓致祭文

國朝名臣文章經濟秩宗師儒一身咸備指輒先
僕惟卿是已中間險巇眷彼雲水水流雲空在卿
何有今來一樽在其左右

領議政河演墓致祭文

英陵之世其相維何維黃維許九功是歌卿實承
之若曹于蕭相門如海樽有醇醪世躋仁壽民頌
寧壹暨于綠野康彊大耋 聖人先御羣龍翼翼
無跡可尋各聽厥職何處得來曠感者深酒馨肴
芬其來其歆

領議政金在魯墓致祭文

昔我 寧考治躋大有卿維股肱左右 明后革
車冠裳偕之恢蕩廷譏野訕我則勇往三槐巷深
厥有肖子有煌台躋曷不趾美逶迤羽旄于仁之

道一舉兩侑父子元老

領議政金致仁墓致祭文

卿於我家 兩朝元輔既退而進士女爭觀皓髮
蒼珩即地我思爰命文苑將錫嘉謚典則重煥相
業之大恩豈不卒事若有待

西平府院君韓浚謙檜山府夫人黃氏墓致

祭文

舜之飯糗希異於人塵埃之中卿獨識真洎夫
龍飛密贊駿功扶陽抑陰退姦旌忠宮闡政嚴貴
近分定藉一言力莫之與競淑慎其儀乃有賢配

毓慶凝祉誕育 聖妣外內徽懿有煌彤管瞻彼
松梓奠以法醞

新豐府院君張維永嘉府夫人金氏墓致祭
文

在朝名臣在國元舅功駕馬鄧文軌韓歐匹美永
嘉篤祜塗莘公家與榮承繼 聖神毓慶之地致
敬之誠潭潭衙閣坐夜深更肅焉如接我思悠悠
胤子上卿一體同休

錦陽尉朴瀾貞安翁主墓致祭文

都尉之賢必曰汾西文章行誼如璋如珪苑彼佳

城貞安是祔敦親象德有酒盈卣

晉安尉柳頤貞正翁主墓致祭文

拜 陵歸路彼苑者阡想昔友于顧予悵然賢尉
在右貴主在左尚克歆止溪毛山果

昇平府院君金瑩墓致祭文

聖祖中興豪雋為時卿維首盟颯爽其姿周虎漢
馬庶幾似之有封祁連于海之湄郡宵聽輦疊疊
我思翩然徠止新釀在卮

慎嬪墓致祭文

溫溫令譽振振公姓貫魚之序小星之詠金鑾初

凝石獸如望尚歆斯危莫云世曠

龍柏祠致祭文

伊呂伯仲魚水之合佑我斯文維澹維泊匪直也
忠戰茲先覺所以紫陽屢書小學三分八陣蓋不
足云烈烈文定異代追芬傳著陽秋氣凌松柏左
海丹忠忠簡躋食因地以祠配義無斃一體侑之
我感曠昔

左議政李福源墓致祭文

浦名鷗游地近牛鳴山氣蘊藉宛見如卿野次徘徊
又此秋聲春官奎署貳身聯翩命爾徠省先生

楸阡黃扉餘思載詩于篇

六臣祠致祭文

彼歸者祠于鷺之灣江流自東東有冷灘巫陽謳
唵悅睠霞輪中流楚辭采采白蘋波有木葉思未
敢言往歲倅酌葳爾芳芬有蓬其科在水一曲如
見伊人風來肅肅翊我先王右我邦家挺為松
柏拱以山河寤言曠感蹕路秋晚侑我六臣為百
世勸

四忠祠致祭文

先正有言死有榮時蹈義以死在時則宜嗟嗟四

老擎柱于天身鴻擲如運龍御然白髮丹心公耳
非家 兩聖知臣衰踰袞華江湖漠漠寒花在圃
想見其憂名齊李杜遂及子孫簪紳於廷彼張弧
者誰僂誰榮清秋蹕路盡焉興懷一體致侑靈其
歆偕

鷺江書院致祭文

曉駕逶迤江水之隈峯迴路轉有廟其崔侯誰饗
之猗朴文烈賈董之才余尹之節臣不愛死囊有
一疏一疏之力重於鼎呂誰敢貳者貳則無倫卓
爾所立蹇蹇王臣風水相激遇石而鳴哿矣詩篇

宛卿平生江上數峯藹然盈矚英爽猶存酌以秋
色

列聖御製卷之五十二

列聖御製卷之五十三

正宗大王

文

故參判洪樂仁致祭文

戊午

維歲戊午正月之二十有二日即我伯舅安窩公
七旬晬日而公之捐館已二十二年矣慨冥塗之
難作愴稀齡之方屆乃綴數行以告衷臆其詩曰
維孟之春為公弧辰年年此日幾沾我巾矧茲星
紀滿七其造云胡不憇而艾而髦睠彼清阡亦已
草宿頽仰切切於焉疇昔載醴崇核若將晤言情

何因極詩不盡云謹以酒一壺脯五臠盥一豆菓
三品侔侑公靈尚其饗之

忠武公鄭忠信致祭文

山維無等亦不倫忠信甲冑展也其人漁陽鼓
振潼關瓦解按劍誓衆有水如彼遂踵勅寇武力
桓桓迺麾西師先據北山一戰虜公莫與汝爭白
衣蹕路其志愈明麒麟丹青虎豹韜鈴婦孺咨嗟
皆誦錦南竹帛名焯山河氣壯拊髀之思遺孫是
訪

忠定公張晚致祭文

詰朝于鞏卻藥韓隨孰如玉城不介而馳蠢茲西
羌兵氣京闕一日千里三百雕漆誰其捶之曰惟
元帥枕戈而唵投車而起肅清渭橋迎我 鑾駕
貨者于市耕者于野輿疾之勇博鞏之卻虎符麟
節厥有寵錫有儼雲臺英姿颯爽大樹飄零翹予
遐想既官其後從以饗之斗酒肩蕘侑以我詩

靖憲公金頤柱致祭文

煥彼綽楔長主之門其胤維何相國之孫休休其
容肫肫其幅儀茲厚德可敦薄俗步武卿月冠冕
耆英皓髮琴樽庭蘭聯馨每歲春暮蹕路卿家昔

號傳笏今無鳴珂何以隱之節惠晉秩沁園餘思
一醉此日

三角山白嶽木覓山漢江祈雨祭文

天一之方有萃華嶽基鎮萬年號尊三角而時出
雲澤施斯博否德致診隔并跨朔寤言明發瞻昂
昭倬代犧之思敢冀沾渥

右三角山

穹窿維嶽著靈自古靡應不昭有秩斯祐胡屯其
膏瘁我原膺及茲蘇渴如飴如乳我控明神神如
不拒報以康年萬斯黍稌

右白嶽

引慶之山頭如龍蠶作邦作對竝嶽為三秩躋崇
裡造化功參有叩必施矧茲焚悛端居之祝靈貺
普覃油油祁祁千畝活函

右木覓山

環都作紀曰有清漢滲漉潤液為四瀆冠歲右明
享其禮漫漫亢陽恒燠亦孔之熯貶躬禱心敢遑
宵旰方千之霈願自既灌

右漢江

直提學徐有防成服日致祭文

死里得集卷之五十三
三
卿胡奄逝其然其疑疑之為真何嗟及之宮袍茜
綠尚如在眼于閣于院左右香案樂易不訾平步
卿月曰有令兄聯袂華綴春荆竝蒂夜雨連床兄
詔弟勗上有蒼蒼孰張其弧我則鑑空原隰纒北
旌旄于東日月幾何遂成千古永夕嘻嘻漬茲清
醕

牧使洪守榮葬日致祭文

外氏盛時冢子藐歲及冠而壯門闌則替家人恩
禮時節展親鄧家虎賁餘者幾人頽然其容慙乎
其肚誰之不如伊不驥步顧汝保汝寔體 慈德

薄言祿仕墨綬若若清阡纒封又此九原庭槐欲
凋床笏猶存翼靖故宅芬苾靡將俛仰今昔奈我
渭陽特揭殊典寵以恩誅就也其攝髣髴是待遠
于將歸時又僚慄有酌深卮辭與意溢

參判洪樂仁遷窆日致祭文

猗顯 慈德則篤于友夙昔孔懷最我伯舅跡公
平生蔚有抱負鐘鼎之門黼黻之手巖廊槐棘我
所固有有美安窩床書一部王癡自賢楚咻莫誘
宦海驚濤素履无咎予於承華憤悱輒叩退牘造
言毫析縷剖既浸既沃我眷彌厚歲暮之期而不

中壽滄桑屢嬗即公逝後獨也超然理若匪偶曾
日月幾三十年久玄晏有託文則不朽典型之求
尚有阿守守又不淑命之云否入瞻 慈顏予心
增疚禮有攝祀義蓋竊取義爰不食庶徵華胄玄
和復日緬茲吉阜翳不可親嗚呼一侑

西川府院君鄭崑壽致祭文

昔有南寇翠華西巡謀士鱗興勇夫如雲涓城不
守相顧錯愕誰其籌之拯我魚肉卿時豸冠慷慨
執鞶 王如內附臣則景從控于大邦徼我 皇
靈單車萬里其馳如星袖一封奏叫九重闕廷議

齟齬我有腔血 天子曰咨嘉汝行人悉賦閩濮
迺命虎臣鐘簾不改山河復圓奠我 宗祊垂萬
億年 聖祖之業 神皇之恩賴卿一辦轉乾旋
坤包胥哭秦穆叔拜周威懾蠻邦名動帝州煌煌
華袞奕奕旂常中興諸臣侯莫與方卓乎所立蓋
讀書功世淑寒暄親炙陶翁曰主忠信三字佩膺
誠之所動天豈不能齋衣北苑節回千秋風泉增
愾江漢悠悠葆茲冠裳伊誰之力使乎如卿何憂
疆場錄擲侯孫還文貞第申以侔酌永勸來世

敬陵親祭文

於皇 聖祖七葉重光明
萬繼照甲觀凝祥豐水
燕翼 聖神嗣服丕號斯
揚煌煌顯冊赫業隆基
維萬維千駿聲亶亶鴻
棋絲絲倬彼崇岡有儼
象設龍盤毓慶鮒隅同
列天樞虹渚寶甲依辰
若歲旃蒙邦籙維新霜
露戒序愴慕采增祗拜
香祝巖我 宣陵陟降於
昭恍如指導夙戒鑿旂
載循西道肅穆 靈殿儉
然若臨臨之在上尚冀
顧歆

昌陵親祭文

於皇 聖祖德配三元次
適升儲監撫履尊樹立
宏達宥密基命周官六
翼虞衡七政青史掎蹟
紫

綸勤賢獄無幽鬱學有
歌絃符節載新鐘漏以
憲既屏烏瑞遂開虎圈
一期之治萬世攸法太
虛雲過化雨時浹薄海
深山謳唵率普親賢樂
利戴如父母佑我後人
壽考康寧洪福元疆至
德難名聖妃禮陟時維
舊甲既絜既蠲敢曰報
答

明淑公主墓致祭文

成廟友于偏我貴主譽
著周雖恩曠衛祔肅肅
園陵左右朝夕神慰攀
柏禮疏灑麥歲值軒渚
慕增堯墻從與饗之薦
茲豆觴既修既乂又命
香火維千百春其永有
妥

西原府院君韓確墓致祭文

福如汾陽勲如西平親如中山光祿少卿儲祉沙
麓遂嬪京室 聖子神孫絲絲瓜瓞瓜瓞絲絲克
熾而昌公與有榮不顯其光瞻彼斗江江水瀾瀾
有奕英爽於焉戾止是歲之秋九月之望虹流寶
躔五回增愴肆覲 仙陵少伸孺慕燕及我公式
陳清醑遂訪嗣承亦霑其祿佑我眷我穰穰其福
南陽府夫人洪氏墓致祭文

奕奕西原曰有令配慶流家國俛天之妹綏以福
履維億萬載秋日喬山如親謦欬既侑斗岡又此

評酌

上黨府院君韓明澮黃驪府夫人閔氏墓致

祭文

五領鼇扉四登麟閣再為元舅一是耆碩鐘鼓園
林帶礪江山 有明姚師可與為班御家有則曰
有賢助為塗為葦梁以舟造清秋薦饕密邇 珠
丘翹予遐思大酌以酬

清川府院君韓伯倫西河府夫人任氏墓致

祭文

聖訓剛毅我公以之翼翼巖廊七尺安危篤生

聖母彤管玄功關雎麟趾歌頌六宮巴陵之西儉
丹之村雙劍之會石獸猶存金粟相望不滿數舍
齋衣耿穆有酒登筭

月山大君悼墓致祭文

在周秦伯在漢東海鐘鼎江湖風月無際煌煌寶
章紫袖絲聯芳樹金樽盛跡猶傳河清舊甲 陵
柏有霜瞻望玄兆高峯之陽 先后之恩我公于
最窈窕秋原牲酒是賚

仁城大君奠墓致祭文

惟我 睿廟毓茲大慶于嗟麟兮之趾之定有美

孝昭偏鍾 聖愛起才扶床王佩金帶鼉裡 仙
寢耿有餘懷曷云瀉之新醴盈杯

齊安大君瑄墓致祭文

以大君尊系于大君河平之賢茅胙之親世之云
遐雲水同白睽彼南岡有蔚松柏夙子躬祀于茲
園陵此日敝辭 先志是承

唐陽尉洪常墓致祭文

於樂秦樓有雛周車婉容 三殿亦宜室家我拜
西陵隣近瑩域從與饗之香醪載瀝

豐川尉任光載顯肅公主墓致祭文

沁水樓臺幾度春光鳳簫雖還如聞瓊琅靈若有
知尚知茲年停蹕絨詞廼馳中涓

高麗忠臣平海知郡金濟雙節祠宣謚日致
祭文

世之云創清士廼見穴居海浮或隱或顯維漢太
史特書伯夷名之不揚蓋以為悲千載歸來聞其
風者巖巖竝峙弟為兄亞滄溟浩渺一望荆楚春
花如雨杜宇何處東有積水魯連所蹈賢而思齊
异代同道武王應天先式商間我乃紹述遂褒熊
魚何錫予之咨汝太常兄及弟兮其誥煌煌遂命

近臣廣招以侑英爽不泯兄與弟又

高麗忠臣 皇明禮部尚書金澍宣謚日致
祭文

嶠山之南洛水之東山有半月水有長虹有石巖
巖侯誰象之有屋噲噲侯誰饗之曰金尚書實食
茲土莫余周粟奈爾殷尋王帛于將于彼南京暨
乎鴨江會朝清明維壇有帷人涉印不曷云能來
蒙戎其棗一去不復百越蓁蓁 皇帝曰咨女維
忠臣典我三禮不改其舊白刃可蹈拜而稽首庖
人廩人繼之在門海左相傳蓋如此云伯兮傑然

亦浮于海求仁者風是以靡悔夙予曠感命茲太
常宣以侑之招招巫陽

金烏書院致祭文

嘗彼烏山其峙千仞中有碩人人與道殉貞節明
夷叔季潛郎時際 龍興身如麟藏再召則至一
揖以退蕭曹鄧賈讓與流輩小人有母苟矣菽水
肥遯者跡難奪者志西山之巖東門之瓜雲際冥
鴻永矢寤歌漢祖象賢子陵遂高風百代有煌
袞褒夙子景欽匪直也忠自安泊圃吾道其東倡
我羣儒若朱於程公於其間豫章延平斯文準繩

正學淵源微言雖邈耿光猶存顧茲豆籩在古邁
軸秩秩黜簷左右私淑蒼葭白露曠世之思凡百
君子視此辭詞

文清公徐志修孫春輔登武科後致祭文

我儀甘盤敷我冲年俾也可謏文清二賢翼翼其
容款款其誠倉庾箋疏如坻如京眷我金甌環顧
朝著安得如卿股肱心膂責我文教歷覽詞林安
得如卿大羹希音選我賓僚翊我東儲安得如卿
若予之初睠焉城南旋馬古廳嘉蔭庇後喬木載
榮光回奎壁班近營衛龍矯虎騰一門是萃聽鼓

春臺紆我紫綸翌朝宣侑遂命邇臣

領中樞府事洪樂性成服日致祭文

己未

卿在斯世事與心如黃花晚景有希懸車鹿几鳩杖日月其徐儵然觀化八十餘歲金章宣侑紆以殊禮靈夜上挺雲星芝醴於萬瑞徵佑我恒升

孝安公洪樂性葬日致祭文

愛親曰孝好和曰安稱卿之名名與身完人亦有言寬樂高朗愍茲元老奈我外黨湖亭勝遊菊秋賡詩曩呼地仙胡遽箕騎遲遲征車雨雪湍岡短詞替誄申寄一觴

參判洪樂仁夫人驪興閔氏遷葬日致祭文

維歲己未之仲春癸丑即我表叔故參判安窩洪公夫人驪興閔氏即遠之辰也愴音徽之寢遐慨日月之不駐歲殺觴之品緘竿尺之詞使地方官鐵原府使吳文常替告于靈几之前曰昔我渭陽式燉速弼黃驪之華豐山之匹室無媵御床有琴瑟時之述矣奈彼帷堂維晝暨夜史稱敬姜庭蘭有孫俾熾而昌彼窈窕原始宅延津萋萋芳草春雨如新卜云允臧庶徵來人尚享

文忠公金鍾秀朝日致祭文

近故議政府左議政奎章閣提學致仕奉朝賀贈
謚文忠公金鍾秀以己未三月十六日甲戌引于
荳江之第越二日丙子將就窀穸矣追昔日之耿
軒慨靈辰之莫淹茲遣檢書官以諭之曰雖卿作
數百里行予輒有贈言如金剛鐵圓之詩是耳卿
今一去而不反則予安得無一言也顧予戒在無
妄有未暇以文也先將壺酒隻雞以侑之卿其知
也否春水浩淼不可方思噫

文肅公蔡濟恭葬日致祭文

議政府領議政奎章閣提學華城府留守壯勇外

使賜謚文肅公蔡濟恭葬日遣閣臣替訣于其靈
若曰松喬上竦山嶽脚牢卿式似之判不枯槁挺
然獨任義三秉一木天編史手握弗律斧鉞狐鼠
日星忠蓋蜀訛易驚巴寶不驢洞辨廓闢返我鄒
魯知申膝席血涕如雨自持寸丹質諸天神萬育
莫奪百劫無磷蓋卿稟賦俊爽英特寧驥櫪伏不
駒轅促薄雲氣槩吞潮局量發之於文忼慨瀏亮
莊精列液馬髓班筋燕南歌筑抗隊新翻篋雖魏
盈杼不曾授子匪懸鏡卿實虛舟萬籟歸竅三品
出鑪起來樊巖坦履康衢嗟卿巷遇 寧考則哲

特置經幄知自簪筆若龍於虞出納王命若僑於
鄭潤色辭令口嘗御藥手綴天章魚魚雅雅赤芾
蒼珩知卿用卿予篤自信有謨必采取卿抱蘊有
牘必誦嘉卿秉執有事必咨喜卿該洽有唱必疇
愛卿風韻一號負荆舉世廉藺太阿如水疇敢弘
車策名立朝五十年餘清華要膺奚適不宜度支
中權藝苑樞司延登奎閣接武江漢煌煌六節藩
留及聞乃立之相不卜不夢捍流屹石支厦巨棟
澤漉羣黎祿仁九族桃門韋布槐庭襪襖西樓七
分上應壽星鶴髮象笏尚有典型爰宅于華青繩

路臨采采春露手指松陰大耋元朝聽漏起居渥
顏炯眸端拱趨卿期八齡予謂百歲西來一氣
敢肆乖沴間起人物卿亦乘箕朝無老成國其何
為且聞孝親罕如卿者今焉已矣有淚一灑眷杵
遽輟几杖未錫不與人亡滿架牙軸徵付剗刷將
壽其傳親製誄文五百餘言歷鋪平素予筆無愧
寄語弘遠毋忝母貳

宣武祠例用祝文

桓桓尚書若周方召 帝命東援繡旆皂纛姓憶
齊遷名符宋佐曰麻曰楊聽我戲下左海山川萬

口豐碑廟貌城南有奕華楣邦人稽首公靈在此
壯我本朝維億萬禩

右邢尚書玠

島夷之難整居焦穫天生經理日月丘壑介馬南
為鯨鯢遂逃裘帶整暇冰檠清高公歸京師公祠
在東一幅繪素萬古英風郊石嶙峋中興巨筆壽
我福我歲歲芬苾

右楊經理鎬

北宣南密水浙陸遼十萬其衆若捲海潮笳鼓孔
凱星月交垂大酹從征 神皇之思

右東征官軍

文獻公朴聖源致祭文

昔予受書在卿則父黃髮絳帷几案左右性理淵
奧濂洛門程為筵為鐘造彼權衡山水蒙正燭跋
漏轉不負乃職所諭者善豈直學文惟敷之力
英考曰嘉有寵其錫我思伊人人遠言存御世治
國首先叙倫豈曰無助蓋取敦孝鳳毛虎班尚亦
一道阿超投筆詎損彪固期門章句許爾接武輔
我元良講肆日開如歐陽者何處得來甘盤之舊
救茲文獻為斟一酌若宣宮醞

文簡公金淨致祭文

中廟撫宇羣彥輳輻文正一隊卿其眉目徽猷嘉謨造言退牘乙亥聯章尤卿大節淳潭接壤傾蓋有莚百年父老咨嗟磬折人雖月古義傳秋烈寧考曠感救典成秩崇報於卿則予繼述廟不世桃恩乃孤恤獨有未遑大享庭裕禮在必嚴事恐或貽 温寢象設今周一甲慨念雙忠親綴仵攝

文簡公朴祥致祭文

太平無象風聲以云大賚示勸由鼓作軍忠義在人蹈之者厘卿任潭州同德為隣三印其臺萬古

不磷我扶坤維彼誰廷噐論定必百自己未年

先王曰咨愀如朱絃索笏錄後遺直罔捐古則行之今可忽焉祠版永享雲仍世官 太室庭食禮重且觀是歲一酌為感支干握管懷韻松柏九九

宗廟北砌修改告由文

北砌將修乃誅吉日虔伸告儀趨此展謁

驪陽府院君閔維重致祭文

元舅之賢維文貞公文忠之弟有子文忠世之不顯鐘鼎詩書 京室嗣徽慶由善餘肅肅 園陵濡露在樹軒扁感古昔我云觀今夕何辰愴慕若

新祿汝玄冑俾以官人日月回薄謹致洞酌

昌嬪墓告侑文

易義魚貫史頌龍據慶以善積福由心著時萬時
億天德攸助溥彼秋江駐我六御有鬱佳城山迴
水處小星回躔江天欲曙舊甲新銜功報明庶祗
薦藪觴敢蘄歡豫

驪興府院君閔霽三韓國大夫人宋氏墓致

祭文

元舅之尊尚父之祿翼翼鼇扉潭潭麟閣膚功偉
伐應時以作期際 龍潛祥叶燕韜有芝有蘭而

金而玉倪天之占慶流沙麓關睢鵲巢自家而國
維億維秭景命有僕豐水東注地亦稱德天作高
山維公之績有佺 仙寢時我秋覲遂及莘塗其
後也錄爰命有司酌茲兆域英爽睠顧尚亦歆格

宜安大君昭悼公

芳碩

墓致祭文

昔我 龍興詩頌麟趾地比泰雍天倪莘摯黃流
玉瓚本支百世爰及我公茅胙是系秋覲 獻寢
仰體友于有鬱玄兆雲近蒼梧時維象山蹟紀楊
葉迎渭之基流虹之甲式闡 徽音遂暨仙潢有
飴有醴永勿牛羊墓門有柏樛枝向日維萬拱衛

佑我 宗祏

義安大君襄昭公 和 致祭文

聖祖同氣佐命巍勲我家伯叔先數大君寶玦珊
珊鐵券煌煌若龍若虎雲風合章黃河泰山奠我
宗國三十九臣名冠烟閣襄曰有德昭曰有勞從
與享之奕奕 寢廟銀川之祠永千載食撫時增
感酌彼秋色

贈兼兵曹判書大提學忠壯公梁大樸致祭
文

毀家紓國於菟之功不識何狀真卿之忠病卒軍

中諸葛之恨為厲殺賊睢陽之願一猶難能卿實
兼四割指殉身本無二致詩名中原郎潛十年誰
與友之湖海之賢起規南氛讀兵時夜千鎰則友
七札其射請斧蠻价陽秋在彼天鼓一鳴餘艘失
水翠華西狩于彼龍灣投袂招號荒谷窮山烈士
勇夫後先糾合遂擲千金剡矢敕甲推賢登壇自
將下軍汗血烏龍氣霜秋蓮灑涕草檄掣風森電
進次雲巖血斲頭竄有子從征左右輪翼居然三
蘇隱若一敵其兵四千其勢八九嗚呼星隕漆齒
酌酒雲屯列壘奪魄輸績珍錦之間蟲沙猿鶴是

列聖御製卷之五十三
時義旗最盛湖南誰其倡之梁氏奇男龍城大樹
葉葉風聲珪璋物采介冑精英銜兼文武贈以崇
秩旌忠謚忠咳唾入嗣子同赤楔孫亦騎議凡百
君子孰不慕企有酒盈尊江漢滔滔一般曠感并
酌于高

領議政晉山府院君文忠公河崙墓致祭文

我家 龍興豪雋雲從先後疏附正氣熊熊晉陽
之望奕世簪組山河鍾英天降良輔日月之際草
昧經綸閱宜同德周命維新潭潭杯酤扶我義馭
猶魚有水伯仲伊呂 三朝鐵券二紀黃閣大猷

時升立經陳目乾坤既整山嶽不運式循初服
仙蹕宣醞江漢浩淼 寶墨流香公田曠稅有稼
穰穰南士曰咨鄉射臺古我老戾止於焉樓屨方
召之思展 寢則倍酌茲精爽倅倅于海

左議政金鍾秀致祭文

乙未十有二月之三日 宗社再造之會彞倫重
叙之期于今二十五年感舊人之凋零悵前辰之
迴薄茲遣奎章閣直閣金近淳諭祭于故左議政
奎章閣提學致仕奉朝賀贈謚文忠公金鍾秀之
靈若曰卿揚廷而垂紳予遇巷而虛襟者蔽一言

曰名義也風雲在天瀛岳環地雖金銷石泐滄桑
嬗改尚可以動帝王之感而釀豪英之涕况卿一
逝而無返予安得不盡傷而嗟歎章貳本嫌微之
旨會一心灑落之契則戊子之講說也仗於赫於
黃鉞森不若於丹書則丁酉之纂輯也慨然袖中
之彈支折彼榻外之姦宄則庚子之進劄也謂我
周公之過任爾聞尹之忠則己酉之求對也夜闢
九重之城鑰星馳百騎之戎鞞則甲寅之謝事也
有位有年有始有末簧舌之噂噂而眷益隆荷珮
之棲棲而望逾苑居家而舞老萊之衣莅官而載

鬱林之石擢秩中權整頓之傑也主盟詞垣文章
之伯也於是乎勇往直前膚不撓而目不逃礪萬
夫不可奪之節而深山藜藿隱若猛虎之決裂與
人為之歌誦廷紳賴以矜式大抵仲由之對率爾
雖或不免於屢躓顧自期以升堂而入室於吾言
無所不說是以金華燭跋進覲從容而黃封酒闌
醉以觀德盱衡今古之理亂月朝人物之臧否而
莫予云遐蓋其名義二字為平生歸依之科而乃
於乞身之章尊主於三古之盛明理於千秋之多
者也若夫水陸萬里明月如海知我罪我至發於

吟詠咨嗟之間則顧我君臣之際其可不曰靈犀
之通而太虛之過歟維臘之三今夕何夕東郭寒
梅遂成往跡庶幾英爽之不昧尚歆我因風之一
酌

景慕宮告由文 庚申

積德攸暨有我元良敬告冠冊申錫穰穰

左議政文忠公金鍾秀緬禮時致祭文

夢梧之麓靜林之路周人之緬衛人之祔青烏之
卜黃鳥之賦有儼端委宛若英顧朗月流水卿為
玄度生芻空谷卿為徐孺春江倭遲我心東滍何

嗟及之酒以情注廓乎昭融名義之故凡百君子
尚亦式墓

右議政孝簡公金熹致祭文

附註賜
謚教

維奎有府宿儒深嚴蓮燭黃封有煌牙籤我有綸
言庸賁具瞻躬樵山間親埃迺黔西京為治維孝
暨廉卿式儀之遂調梅益有誦有信鄉園是搨左
圖右書春花簷尊酤如水宿醉霑霑何以玩之
鳶飛魚潛是以果忘久而愈謙其來其戾歲不曾
淹斯焉已矣脩翰美髯靈其不沫尚歆馨甜

金領
府事

寔宓在邇此大臣雖以科目出身幼經績學自有
不可誣者在家則孝居官則潔以此節惠宜諗太

常而襄期已迫有難遲待其撰狀之到弘文館即
為議謚俾趁銘隧之日而宣謚之日仍行致祭祭
文既親撰付之內閣
宣謚官仍為致祭

領議政忠憲公徐命善改謚忠文宣謚日致

祭文

講春秋之旨明漢賊之分扶義理於九鼎大呂之
重可不謂之忠乎抱咫尺之書感帝王之尊措國
勢於泰山磐石之安可不謂之文乎一德一心立
定厥功惟克永世即惟成周氏之司勲也勲功庸
勞有奕其伐可以無媿色於斯者予於卿亦云緘
予情而替侑黯然而不可及者關樹與河雲

贈右議政內閣提學忠獻公鄭民始致祭文

嗟乎宿昔之朝臨風而涕情寄侑忠文之靈于彼
關西之垌曾不一瞬而又將酹於卿矣惜其神精
之所聚會而時未屆乎遐齡則夫何江湖之一病
遽爾逝水之無停嗟乎契知遇於龍潛討名義於
麟經噴血張膽矢不與讎賊而俱生得以承顧眄
於先王日月之明是豈人力之所可營哉若夫
波靜而石出祇見太空之冥冥則車馬樓臺紛華
之盛固不過暫時之榮而國耳公耳身不敢為已
有者始可以餉來世之名卿於何憾其歸也寧念

昔唐太宗起想於秦府之故人而不忍聞午夜之鐘聲顧予推曉枕而裴徊自不覺有涕如傾嗟乎千古脩夜一夢生平春江森森谷鳥嚶嚶撫疇曩而悱傷嗟不可以復起於九京

領敦寧金履素家其弟履度唱第日致祭文奕奕乎其世而確確乎其守而季兮乘龍以繼武可以驗積慶之厚而哿矣風範之凝重不問可知為文正之後而時則值聞喜之讌綴予詞而致卿侑而

內閣提學吳載純家其子淵常唱第日致祭

文

聯蟬乎赫舄之門而持已有方委蛇乎華臚之場而與物無競此所以留未艾之福而詒方來之慶也伊今卿子之通籍予之企而期而以及至於既毅且开者惟其先是聽

驪陽府院君閔維重祠宇致祭文 附註賜祭教

維莘維塗驪水之陽媿媿 徽音邦國之光有趾其烈夙夜彌康迨蔭以進上甲煌煌乃父乃胤後先鏘鏘積善之慶與功俱滅凡百有位視此侑章維恭與慎其後也昌 驪陽嗣胄于今四世正卿亞卿南臺者各一而又其後遂

闡大科沙麓故宅吉慶連縣且憶聖后舟梁寶	甲在於明年顧小子以先王之為心豈可無	侑歡飾喜之舉乎府院君文貞公維重祠宇遣	承旨致祭祭文先示於登第之嗣孫以此用之放	掬日賜樂到	門日賜宴需
--------------------	-------------------	--------------------	---------------------	-------	-------

列聖御製卷之五十三

